

**Kuala Lumpur:** Pelbagai kertas kerja termasuk kajian corak pengundi muda, peranan media dalam politik dan kegagalan pembahagian kerusi antara parti bakal dibentangkan dalam Seminar Pilihan Raya Umum Malaysia ke-13 (PRU-13) pada 8 dan 9 Jun ini.

Seminar yang julung kali dianjurkan Universiti Tun Abdul Razak (UNIRAZAK) itu akan diadakan di Hotel Grand Seasons, di sini.

Presiden dan Naib Canselor UNIRAZAK Prof Datuk Seri Dr Md Zabid Abdul Rashid berkata, seminar itu bakal menghimpunkan cendikiawan dan tokoh akademik, penganalisis politik mahupun ahli politik bagi membincangkan pelbagai isu selepas PRU-13.

“Seminar ini menyedia-

# Bentang rumusan PRU-13



**“Seminar ini masih relevan biarpun sudah lebih dua tahun PRU-13 berlalu”**

**Dr Md Zabid**

kan platform kepada cendikiawan, ahli akademik dan pihak berkepentingan dalam politik untuk membincangkan apa pengajaran daripada PRU-13.

“Diharapkan melalui seminar ini dapat memberi gambaran sejelasnya mengenai impak PRU-13 dan menyediakan penyelesaian kreatif dan inovatif untuk membentuk polisi awam yang lebih baik,” katanya pada sidang media di sini, semalam.

Md Zabid berkata, sebanyak 12 kertas kerja akan dibentangkan dalam seminar itu oleh ahli akademik secara ilmiah dan objektif tanpa memihak kepada mana-mana parti politik.

Katanya, ada antara ker-

tas kerja terbabit diterbitkan dalam jurnal antarabangsa dan menjadi rujukan yang berkualiti.

“Seminar ini masih lagi relevan biarpun sudah lebih dua tahun PRU-13 berlalu kerana banyak informasi dan kajian yang boleh dijadikan rujukan terutama kepada parti politik dalam merencana hala tuju untuk menghadapi PRU-14,” katanya memberitahu semua kertas kerja berkenaan akan turut diterbitkan.

Selain pembentangan kertas kerja, peserta seminar diberi peluang berinteraksi, bertanya soalan dan memberi pendapat masing-masing.

Antara pembentang termasuk Pengarah Institut

Asia Universiti Tasmania Prof James Chin yang akan membentangkan kerja bertajuk ‘Dekat Tapi Jauh: Strategi Dalam Pilihan Raya Umum Ke-13, Prof Ruhannas Harun dari Fakulti Pengajian dan Pengurusan Pertahanan, Universiti Pertahanan Nasional Malaysia (Pilihan Raya Umum Malaysia Ke-13 Satu Analisis), Pengarah Merdeka Centre, Ibrahim Suffian (Keputusan Pilihan Raya Umum Ke-13: Analisis Corak Pengundian Mengikut Wilayah, Etnik dan Kohort Umur Peringkat Parlimen) dan Ketua Eksekutif Institut Demokrasi dan Hal Ehwal Ekonomi (IDEAS), Wan Saiful Wan Jan Wan Saiful (Adakah Pilihan Ra-

ya Umum Ke-13 Adil dan Bebas).

Selain itu, Felo Institut Kajian Asia Tenggara, Singapura Dr Mustafa Izzuddin (Pilihan Raya Umum Malaysia Ke-13 dari Perspektif Singapura), Timbalan Dekan Fakulti Ekologi Manusia Universiti Putra Malaysia (UPM) Prof Dr Jayum Jawan (Pilihan Raya Umum Malaysia Ke-13: Perspektif Sarawak), Prof Datuk Dr Mohamad Abu Bakar dari Jabatan Pengajian Antarabangsa dan Strategik, Universiti Malaya (Kuasa Rak-yat dan Kematangan Demokrasi Malaysia: Kajian Pilihan Raya Umum Ke-13) dan Timbalan Dekan Penolong Prof Dr Abdillah Noh (Pilihan Raya Umum Malaysia Ke-13: Penentangan Berterusan Politik Perkuan-man).